

道德真經集註卷之十

侍三

道德真經集註卷之十

明皇河上公王弼王雱註

用兵有言章第六十九

用兵有言

明皇曰老君傷時王殘人於兵故託古以

陳戒有言者謂下句○河曰陳用兵之道

老子疾時用兵故託此設其義也

吾不敢為主

河曰主先也不敢先舉兵

而為客

而河曰客者和而不倡用兵當承天而後動
雱曰造攻自鳴條為兵主者也朕載自亳
為客者也

不敢進寸而退尺

明皇曰主有動作則生事而貪無營為則

侍三

以慈自守自守則全勝生事則敗亡進雖
少不能無事退雖多不失謙讓故不敢進
於寸而退於尺○河曰侵人境界利人財
寶為進閉門守城為退○雱曰不勇於殺

伐

是謂行無行

明皇曰爲客退尺不與物爭雖行應敵與
無行同矣○河曰彼遂不止爲天下賊雖
行誅之不行執也○弼曰彼遂不止○雱
曰至仁之兵有征無戰與無行同

攘無臂

明皇曰攘臂所以表怒義戰不怒故若無
臂可攘○河曰雖欲大怒若無臂可攘也
仍無敵

明皇曰仍引也引敵者欲爭不爭故若無

敵可引○河曰雖欲仍引之心若無敵可
仍也○弼曰行謂行陳也言以謙退哀慈
不敢為物先用戰猶行無行攘無臂執無
兵仍無敵也言無與之抗也

執無兵

侍三

二

明皇曰執兵所以表殺今以慈為主故雖
執兵與無兵同○河曰雖欲執持之若無
兵刃可持用也何者傷彼之民罹罪於天
遭不道之君愍忍喪之痛也○雱曰雖有

戰之名前無敵者故與不戰同

禍莫大於輕敵

河曰夫禍亂之害莫大於欺輕敵人侵取不休輕戰貪財

輕敵則幾喪吾寶

明皇曰為禍之大莫大於輕侮敵人輕侮

敵人者則殆喪吾以慈之寶○河曰幾近

也寶身也欺輕敵人近喪身也○弼曰言

吾哀慈謙退非欲以取強無敵於天下也

不得已而卒至於無敵斯乃吾之所以為

大禍也寶三寶也故曰幾亡吾寶○雪方曰

兵凶器也仁人之兵雖所向無前而不敢
輕敵輕敵則喪其慈喪慈則有不勝也

故抗兵相加

河曰兩敵戰也

哀者勝矣

特三

三

明皇曰抗舉也兩國舉兵以相加則慈哀
於人者勝○河曰哀者慈仁士卒不遠於
死○弼曰抗舉也若當也哀者必相惜而
不趣利避害故必勝○雩曰哀憐之心慈
也慈故能勇所以勝一本作相若亦通若

之言兵力相敵也竊嘗論之書曰威克厥
愛允濟又曰勗哉夫子尚桓桓亦何哀之
有而老子之言兵獨常如此者論兵之道
也彼則兵之事也聖人豈異意哉而不同
者時而已矣

吾言甚易知章第七十

吾言甚易知甚易行

明皇曰老君云吾所說言契理故易知簡
事故易行○河曰老子言吾所言省而易

知約而易行也

而天下莫能知莫能行

明皇曰天下之人滯言而不悟煩事而不約故莫能知莫能行○河曰人惡柔弱好剛強也○弼曰可不出戶窺牖而知故曰甚易知也無爲而成故曰甚易行也惑於

躁欲故曰莫之能知也迷於榮利故曰莫之能行也○雱曰聖人順性命之至以爲教言不煩而簡事不奇而常反身則知率性則合苟欲知之行之不亦甚易乎凡天下之難事皆起於舍本逐末與妄爲構故

内外交亂竒物滋出而智不能勝也夫唯
異此則一辭可盡雖甚易知甚易行而莫
能知莫能行者用心於末而務竒與難故
爾一本作人莫之能知能行

言有宗事有君

侍三

四

明皇曰言者在理理得而言忘故言以無
言爲宗事者在功功成而不宰故事以無
事爲君也○河曰我所言有宗祖根本事
有君臣上下世人不知者非我之無德心
與我反○弼曰宗萬物之宗也君萬事之

主也○雱曰言以理爲歸事以道爲主知
理與道則言與事雖多無難知者也
夫唯無知是以不吾知也

明皇曰天唯俗人無了悟之知是以不知
我無言無事之教○河曰夫唯世人也是
我德之闇不見於外窮微極妙故無知也
弼曰以其言有宗事有君之故故有知之
人不得不知之也○雱曰所知非至理則
所謂知者非知也自以爲知而不知聖人
則可謂知乎

知我者希則我貴矣

明皇曰了知我忘知之之意者希少則我不
言之教者至貴○河曰希少也唯達道者
乃能知我故為貴也○弼曰唯深故知之
者希也知我益希我亦無匹故曰知我者
希則我貴也○侍三雱曰道大則知者少歷萬
世而知者一人是旦暮遇之也一本作則
我者貴

是以聖人被褐懷玉

明皇曰被褐者晦其外懷玉者明其內故

知我者希爾○河曰被褐者薄外懷玉者
厚內匿寶藏德不以示人也○弼曰被褐
者同其塵懷玉者寶其真也聖人之所以
難知以其同塵而不殊懷玉而不渝故難
知而為貴也○雱曰豈辨以相示乎

知不知章第七十一

知不知尚矣

河曰知道言不知是乃德之上○雱曰不
識不知真知之極

不知知病矣

不明皇曰了法性空本非知法於知忘知是
德之上不知知法本性是空於知強知是
行之病○河曰不知道言知是乃德之病
粥曰不知知之不足任則病也○雱曰道
不可知且不足知而彼乃昭然有知是未
嘗知道也未嘗知道而自以為知則是妄
見一切耳其病大矣

夫唯病病是以不病

明皇曰夫唯能病強知之病是以不為強
知所病○河曰夫唯能病若衆人有強知

之病是以不自病

聖人之不病以其病病

河曰聖人無此強知之病者以其常若眾人有此病也

是以不病

特三

六

明皇曰唯聖人所以不病者以其病衆生強知之病是以不病○河曰以此非人也故不自病夫聖人懷通達之知託於不知者欲使天下質朴忠正各守純性小人不知道意而妄行強知之事以自顯著者內傷

精神滅壽消年也○彌曰病病者知所以
為病○雱曰病而不自知病者終莫悟矣

民不畏威章第七十二

民不畏威則大威至矣

明皇曰有威而可畏謂之威言人於小有

畏拙於慎微則至於大可畏○河曰威害
也人不畏小害則大害至謂死亡也畏之
者當愛精神承天順地也○雱曰民樸而
生厚則畏威上失其道多乎有為以小其
道塞其生故民巧偽彫薄而威不能服也

夫如是則天誅所加禍亂將起故曰大威
至

無狹其所居

明皇曰神所居者心也無狹者除情去欲
使虛而生白○河曰謂心居神當寬見柔不

持三

七

當急狹也

無厭其所生

明皇曰身所生者神也無厭者少思寡欲
使不勞倦○河曰人所以生者為有精神
託空虛喜清靜飲食不節忽道念命邪僻

滿腹爲伐本厭神○弼曰清靜無爲謂之
居謙後不盈謂之生雖其清靜行其躁欲
棄其謙後任其威權則物擾而民僻威不
能復制良民不能堪其威則上下人潰矣
天誅將至故曰民不畏威則大威至無狹
其所居無厭其所生言威力不可任也○
雱曰民性本自廣大流通而世教下衰不
能使之復樸乃蹙其居之廣而使狹厭其
生之通而使塞夫唯狹其居故民不淳而
僞唯厭其生故民不厚而薄狹聖人不然

使民逍遙乎天下之廣居而各遂其浩然之性則其有干威者乎莊子曰狶韋氏之國黃帝之圃堯舜之宮湯武之室此明世世下衰漸狹其居也彼聖人豈有優劣乎而居乃漸狹者所遭之時則然也

夫唯不厭

彌曰不自厭也

是以不厭

明皇曰夫唯人不厭神是以神亦不厭人河曰夫唯獨不厭精神之人洗心濁垢恬

怡無欲則精神居之不厭也○弼曰不自
厭是以天下莫之厭○雱曰上不自厭其
生而盡性故民亦得盡性也莊子曰不厭
其天此之謂也厭者天厭之之厭
是以聖人自知

侍三

八

河曰自知已之得失

不自見

河曰不自顯見德美於外故之於內○弼
不曰不自見其所知以耀光行藏也

自愛

自河曰自愛其身以保精氣

不自貴

明皇曰自知其身防可畏之事自愛其身

不無厭神之咎不自見其能以犯患不自貴
其身以聚怨也○河曰不自貴高榮名於

世○弼曰自貴則物狹厭居生○霽方曰自
見則矜我自貴則賤物此所以自狹其居
自厭其生亦以狹民之居厭民之生也自
知則明乎性而不為妄自愛則保其身而
不為非夫然則豈至於干天之威也

故去彼取此

明皇曰去彼見貴取此知愛○河曰去彼
自見自貴取此自知自愛

勇於敢章第七十三

勇於敢則殺

恃三

河曰勇敢有為則殺身也○弼曰必不得

九

其死也

勇於不敢則活

明皇曰敢謂果敢言人勇於果敢從事則

失於謙柔退讓必害於身故云則殺不敢

者則可以活身矣○河曰勇於不敢有為
則活其身○弼曰必濟命也○雱曰勇敢
者任氣生事輕死以徇其所為以事為道
者也勇不敢者迫而後動不先物以爭功
以道為事者也

此兩者

河曰謂敢與不敢也

或利或害

河曰活身為利殺身為害○弼曰俱勇而
所施者異利害不同故曰或利或害也○

雩曰人之所利天實害之故曰天之君子
人之小人人以為小人則固流俗之所後
也而天實先之

天之所惡

河曰惡有為也

孰知其故

明皇曰兩者敢與不敢也或有也能知不
敢者有利敢者有害當須勇於不敢此勇
敢之人動有災害乃天之所惡孰能知其
故哉○河曰誰能知天意之故而不犯○

雩曰下愚小智但見衆人之所利而不知
天所惡也故下文明明天道之所以然當視
以為法

是以聖人猶難之

明皇曰聖人猶難為勇敢之事○河曰言

持三

十

聖人之明德猶難者勇敢況無聖人之德
而欲行之乎○雩曰聖人與天合德尚不
敢輕諾多易也

天之道不爭而善勝

明皇曰此下言天道謙虛以戒人事勇敢

天不與物爭四時盈虛物無違者故善於
勝○河曰天不與人爭貴賤而人自畏之
弼曰夫唯不爭故天下莫能與之爭○雩
曰天爲羣物之父豈與赤子爲敵乎此所
以善勝也

不言而善應

明皇曰天何言哉福善禍淫曾無差忒故
云善應○河曰天不言萬物自動以應時
弼曰順則吉逆則凶不言而臨應也○雩
曰天何言哉四時行焉百物生焉福善禍

淫酬酢萬變無一不至

不召而自來

明皇曰天道不召物所從已物不能違自
來順天爾○河曰天不呼召萬物皆負陰
而向陽○弼曰處下則物自歸○雩曰見

侍三

十一

召於人臣子之道天為君父孰能制之運
至則來非有召也

坦然而善謀

明皇曰天道玄遠緘然寬大垂象示變人
可則之故云善謀也○河曰緘寬也天道

雖寬博善謀慮人事修善行惡各蒙其報也○弼曰垂象而見吉凶先事而設誠安而不忘危未兆而謀之故日坦然而善謀也○雱曰常易故坦然知險故善謀一本作繅然

天網恢恢疎而不失

明皇曰天之網羅雖恢恢疎遠刑淫賞善毫分不失○河曰天所網羅恢恢其大雖疎遠司察人善惡無有所失○雱曰天任理而不任意其禍福也付之自為如木有

華還當結實豈或開而結之哉而無一不
如法者今世之人多疑禍福之應誠以小
智自私任意而不知理故但見一曲而不
覩夫大致也故知此道也則世間善惡禍
福隨其器之大小各有遲速之度要當報
之無有免者且聖人爲政尚貴悶悶誠使
天道之大而察察其意則其報復也豈能
周乎

民常不畏章第七十四

民常不畏死

河曰治國者刑罰酷深民不聊生故不畏死也治身者嗜欲傷神貪財殺身民不知畏之也

奈何以死懼之

明皇曰縱放情欲動之死地習以為常常

恃三

十二

無畏者人君常以清靜化之奈何更立刑法以誅殺恐懼之乎○河曰人君當寬刑罰教民去情欲奈何設刑法以死懼之○雋曰上失其道俗彫民困民無所賴生以抵冒法禁而上猶以死懼之然則所殺雖

多亂終不止則秦以下是也

若使民常畏死

河曰當除已之所殘剋教民去利欲也

而為竒者吾得執而殺之孰敢

明皇曰若使民人皆從清靜之化不敢溺

情縱欲常畏於死而獨為竒詐者假令吾

勢得執殺此竒詐之人孰敢即殺故下文

云○河曰以道教民而民不從反為竒巧

乃應王法執而殺之誰敢有犯者老子傷

時王不先道德化之而先刑罰○弼曰詭

異亂羣謂之竒也○雩曰好生之德洽于
民心而民重死然後刑行而物服矣
常有司殺者殺

明皇曰如此竒詐之人天網不失是常有
天之司殺者殺之○河曰司殺者天居高

恃三

十三

臨下司察人過天網恢恢疎而不失也

而代司殺是代大匠斲

明皇曰人君好自執殺必不得天理是猶
拙夫代大匠斲木○河曰天道至明司殺
有常猶春生夏長秋收冬藏斗杓運移以

節度行之人君欲代殺之是猶拙夫代大
匠斲木勞而無功也○雱曰君尊臣卑各
有常分君以無為而任道臣以有為而治
事道之與事相去遠矣故典獄則有司殺
治木則有大匠君不與焉仰成而已世皆
知代斲之非而不悟代殺之失莊子曰上
亦有為也下亦有為也是上與下同德傳
曰舜何為哉恭己正南面而已道實兼事
故君得兼臣然君而事事失其所以為君
矣臣之事事而殺伐尤為非道故深言之

蓋經稱不以兵強天下而猶曰以道佐主者誠以以道為主則豈暇議彼哉一本而作夫

夫代大匠斲希有不傷其手矣

明皇曰拙夫代斲豈但傷材亦自傷其手

人君任刑代彼司殺豈唯殘害百姓抑亦自喪天和也○河曰人君行刑罰猶拙夫代大匠斲則方圓不得其理還自傷代天殺者夫紀綱不得其紀綱還受其殃也○弼曰為逆順者之所惡忿也不仁者人之

所疾也故曰常有司殺也○雱曰代斲傷
手而已代殺乃失其道也一本無有字

民之飢章第七十五

民之飢以其上食稅之多也

河曰人民所以飢寒者以其君上稅食下

特三

十四

太多

是以飢

明皇曰天下之民所以飢之不足者以其

君上食用賦稅之太多故爾○河曰民皆

化上為貪叛道違德故飢○雱曰張官職

祿制禮用財將以富民也而費多增稅末
盛本衰適使之飢而已一本無也字

民之難治以其上之有爲也

河曰民之不可治者以君上多欲好有爲
也

是以難治

明皇曰天下之人所以難理化者以其君
上之有爲則多難多難則詐興是以難理
化
河曰是以其民化上有爲情僞難治○雱
曰任察生事將以治民而人困俗彫巧僞

彌出愈難治矣觀上古與後世即其驗也
人之輕死以其求生之厚也

河曰人民輕犯死者以其求生活之道太
厚貪利以自危

是以輕死

特三

十五

明皇曰天下之人所以輕其死者以其違
分求生太厚之故是以輕死○河曰以求
生太厚之故輕入死地也○雩曰生者不
有其生則生常全既過於厚則求欲無已
觸刑陷險視死輕矣此三者皆以其求害

其所以求蓋明無為之理

唯無以生為者是賢於貴生也

明皇曰自然之分足則生全若養過其分則生亡矣故夫唯無以厚其生為者是賢於矜貴其生○河曰夫唯獨無以生為務者爵祿不干於意財利不入於身天子不得臣諸侯不得使則賢於貴生也○弼曰言民之所以僻治之所以亂皆由上不由其下也民從上也疑此非老子之所作○雱曰厚生必至於輕死唯無以生為乃常

全矣貴生者但賢於輕死未若無以生爲
之至也此篇三事但明其一則餘二可知
也

人之生章第七十六

人之生也柔弱

河曰人生含和氣抱精神故柔弱也

其死也堅強

河曰人死和氣竭精神亡故堅強也

草木之生也柔脆

河曰和氣存也

其死也枯槁

河曰和氣去也

故堅強者死之徒也柔弱者生之徒也

明皇曰生之柔弱和氣全也死之堅強和氣散也欲明守柔弱者全生保年為強梁

恃三

十六

者喪身失性○河曰以其上二事觀之知堅強者死柔弱者生也

是以兵強則不勝

明皇曰見哀者勝故知恃強者必敗○河曰強大之兵輕戰樂殺毒流怨結眾弱為

一強故不勝○弼曰強兵以暴於天下者
物之所惡也故必不得勝○雱曰善勝者
積小不勝以為大勝今此以強為德則其
事必弱也

木強則共

明皇曰本強大故處於下枝條柔弱共生
於上蓋取其柔弱者在上強梁者在下故
下文云○河曰木強大枝葉共生其上也
弼曰物所加也○雱曰伐而共之

故堅強居下

弼曰大之本也

柔弱處上

河曰興物造功大木處下小物處上大道
抑強扶弱自然之効○弼曰枝條是也○
零曰竊嘗論之陰陽道也陰先而陽後天

恃三

十七

地物也天尊而地卑故語德則柔弱是以
勝剛強計事則剛強足以制柔弱世之人
覩事而不明乎德故所謂強者常至於與
死為徒也一本作強大處下

天之道章第七十七

天之道其猶張弓乎

明皇曰天道玄遠非喻不明故舉張弓以
彰其用○河曰天道闇昧舉物類以為喻
也

高者抑之下者舉之有餘者損之不足者與
之

明皇曰張弓如此乃能命中是猶天道虧
盈益謙欲令人君法天字人故示抑高舉
下之道○河曰言張弓和調之如是乃可
用夫抑高舉下損強益弱天之道也

天之道損有餘補不足

河曰天道損有餘而益謙常以中和為上也○雩曰天道任理故均一本補作與

人之道則不然

河曰人道則與天道反也○弼曰與天地

合德乃能包之如天之道如人之量則各有其身不得相均如唯無身無私乎自然然後乃能與天地合德

損不足以奉有餘

明皇曰天道平施裒多益寡人則違天翻

損不足○河曰世俗之人損貧以奉富奪
弱以益強也○雱曰人道任情故不均

孰能損有餘而奉不足於天下者其唯道乎
明皇曰誰能以已之有餘奉與天下之不
足乎獨有道者能爾○河曰言誰能居有

恃三

六

餘之位自省爵祿以奉天下不足者乎唯
有道之君能行也○雱曰有道者與天合
道一本云孰能以有餘奉天下唯有道者
是以聖人爲而不恃

明皇曰聖人法天稱物均施施平於物而

不恃其功○河曰聖人為德施不恃其報也

功成不居

明皇曰推功於物不處其成○河曰功成事就不處其位○雱曰一本居作處字

其不欲見賢耶

河曰不欲使人知已之賢匿功不居榮名畏天損有餘也○雱曰恃為處功則見賢見賢則有餘是招損之道也一本無邪字

天下柔弱章第七十八

天下莫柔弱於水

河曰圓中則圓方中則方擁之則止決

則行

而攻堅彊者莫之能先

河曰水能懷山襄陵磨鐵消銅莫能勝水

特三

十九

而成功也

其無以易之也

河曰夫攻堅彊無以易於水○雩曰水方

圓曲直隨物萬變而初不易已此所以終

能勝物也夫玉石堅彊美而持以攻物有

時而碎者以其可易耳一本云天下柔弱
莫過於水

弱之勝彊

河曰水能滅火陰能消陽

柔能勝剛

河曰舌柔齒剛齒先舌亡

天下莫不知

河曰知柔弱者長久剛強者折傷也

而莫之能行

明皇曰柔弱之道勝於剛強天下未有不

知者知有此道不能行也○河曰恥謙卑
好強梁○雱曰得一者寡一本作故柔勝

剛以勝強

是以取工人言

河曰謂下事也

受國之垢是謂社稷主

河曰君能受國之垢濁者若江海不逆小
流則能長保其社稷為一國君主也○雱
曰垢未若不祥之甚故但為社稷主

受國之不祥是謂天下王

明皇曰引萬方之罪是受國之垢濁稱孤
寡不穀是受國之不祥其德如此則社稷
有奉故天下之人歸往矣○河曰君能引
過自與代民受不祥之殃則可以王有天
下○雱曰聖人所以能柔弱者體水以為
持三
德也受垢不祥其納汙受辱之義乎此可
二十
謂智者道爾

正言若反

明皇曰為國之垢為社稷主受國不祥為
天下王是必正言初若反俗故云正言若

反○河曰此乃正直之言世人不知以為
反言○雱曰反於小知之近情而合於大
道之至正

和大怨章第七十九

和大怨者

明皇曰與身為怨對之大者情欲也和謂
調和也此言人君欲以言教調和百姓使
無情欲故曰和大怨○河曰殺人者死傷
人者刑以相和報

必有餘怨

明皇曰立教化人不能無迹斯迹之弊還
與為怨故曰必有餘怨○河曰任刑者失
人情必有怨及於良人也○弼曰不明理
其契以致大怨已至而德以和之其傷不
復故必有餘怨也○雱曰上禮為之而莫

特三

之應則攘臂而仍之天下始有怨矣既不
能反常復本而方乃以聯合歡則怨必彌
起

安可以為善

明皇曰既有餘怨則不可以為善○河曰

言一人呼嗟則失天心安可以 and 怨為善也○零曰意若為善而不善之本也

是以聖人執左契

河曰古者聖人執左契合符信也無文書法律刻契合符以為信也○弼曰左契者

防怨之所由生也

而不責於人

明皇曰左契者心也心為陽藏與前境契合故謂之左契爾聖人知立教則必有迹有迹則是餘怨故執持此心使令清靜下

人化之則無情欲不煩誅責自契無爲○
河曰但刻契之信下責人以他事也○雱
曰左契取於人右契取人左無事而右主
權故古者分契之法如此也聖人執左契
不從事於物而物自來合吾應其合者爾
所謂感而遂通天下之故也然則聖人常
受天下之責而無責人之心是以終無怨
莊子曰以得爲在人以失爲在己湯曰萬
方有罪罪在朕躬此之謂也記曰獻牛馬
者操右契蓋獻者并券以進是知左契乃

受責者之所執史記曰操右券以責事

故有德司契

河曰有德之君司察契信而已○弼曰有德之人念思其契不令怨生而後責於人也○雱曰下從事於物而應物之合者

特三

二十二

無德司徹

明皇曰司主也徹通也言有德之君主司心契則人自化無德之主則將立法以通於人為法之弊故未為善○河曰無德之君背其契信司人所失○弼曰徹司人之

過也○雱曰徹通也物物求通其塞多矣
天道無親常與善人

明皇曰司契則清靜立法則凋殘皇天無
親惟德是輔故人君者常思化淳於無為
不可立法而生事○河曰天道無有親踈
唯與善人則與司契者也○雱曰唯天無
親但善則與之明天與聖人同道也

小國寡民章第八十

小國寡民

河曰聖人雖治大國猶以為小儉約不奢

秦民雖衆猶若寡少不敢勞之也○弼曰
國既小民又寡尚可使反古況國大民衆
乎故舉小國而言也○零曰小制國寡聚
民則淳厚蓋國大民衆則利害相摩巧僞
日生觀都邑與聚落之民質詐殊俗則其
驗也

恃三

二十三

使民有什伯之器而不用也

明皇曰什件也治長也此章明人含淳和
無所求及適有人材器堪爲什件伯長者
亦無所用之矣○河曰使民各長部曲什

伯貴賤不相犯也。器謂農人之器而不用，徵召奪民良時也。○弼曰：言使民雖有什伯之器而無所用之，當何患不足也。○雱曰：十人所共謂之什器，百人所共謂之百器。清靜之治，務使民各遂其生理而不妄興作，終無連羣聚衆之事故。雖器有什伯而不用也。

使民重死

河曰：君能為民興利除害，各得其所，則民重死而貪生也。

而不遠徙

明皇曰少思寡欲不輕用其生敦本無求
故不遠遷徙也○河曰政令不煩則民安
其業故不遠遷徙離其常處○弼曰使民
不用惟身是寶不貪貨賂故各安其居重

死而不遠徙也○雱曰樂生遂性故重死
安土無求故不遠徙無道之世質薄事多
而利欲勝乎好生末盛本衰而貪求在乎
分外故觸刑陷險如履平地而車轍足迹
交於四方此亦亂之極也

雖有舟輿無所乘之

河曰清靜無為不作煩華不好出入遊娛也

雖有甲兵無所陳之

河曰無怨惡於天下○雩曰民自足於性

恃三

二十四

分之內則無遠遊交戰之患

使民復結繩而用之

明皇曰舟輿所以利遷徙甲兵所以徇攻戰兩者無欲故無所乘陳反樸還淳復歸於三皇結繩之用矣○河曰去文反質信

無欺也○雩曰事簡民淳故無用文契

甘其食

明皇曰不貪滋味故所食常甘○河曰甘其蔬食不思食百姓也

美其服

明皇曰不事文繡故所服皆美○河曰美其惡衣不貴五色○雩曰甘食美服無事而富也

安其俗

明皇曰不飾棟宇故所居則安○河曰安

其茅茨不好文飾之屋

樂其業

明皇曰不澆淳樸故其俗可樂○河曰樂其質朴之俗不轉移也鄰國相望雞犬之聲相聞

侍三

二十五

明皇曰言其近○河曰相去近也○雩曰人遂其生故繁息而樂

使民至老死不相往來

明皇曰無求之至○河曰其無情欲○弼曰無所求欲○雩曰近而不交無求於外

也此盡性之治故民亦盡其性竊嘗考論
語孟子之終篇皆稱堯舜禹湯聖人之事
業蓋以爲舉是書而加之政則其効可以
爲比也老子大聖人也而所遇之變適當
反本盡性之時故獨明道德之意以收斂
事物之散而一之於樸誠舉其書以加之
政則化民成俗此篇其効也故經之義終
焉揚子雲爲法言亦終乎唐虞之言蓋有
法乎孔孟與此書也然子雲之說誠得施
於天下亦何足以與乎聖人之業可謂有

其意矣而言之過也一本無使字

信言不美章第八十一

信言不美

明皇曰信言者聖教也信實之言不韻於俗故不美○河曰信言者如其實不美者

朴且質也○弼曰實在質也○雱曰信言要於道道之出言淡乎無味何美之有

美言不信

明皇曰美言者代教也甘美之言動合於

俗故不信○河曰滋美之言者孳孳華詞

不信者飾偽多空虛也○弼曰本在樸也
雱曰離道而語事物故雖足以美淺聞之
聽而非至論也且言者風波也何以美為
善者不辯

明皇曰善者在行無辯說○河曰善者以

恃三

二十六

道脩身不綵文也○雱曰言近指遠不假

繁辭

辯者不善

明皇曰巧滯辯說故不善○河曰辯者巧
言也不善者舌致患也土有玉掘其山水

有珠濁其淵辯口多言亡其身○雱曰言以明道而已要不煩何用多說孔子曰辭達而已

知者不博

河曰知者謂知道之士不博者守一元也

弼曰極在一也○雱曰極當在乎至微何事於博

博者不知

明皇曰知者了悟也博者多聞也○河曰

博者多見聞不知者失真要也○雱曰溺

乎事物之衆而不能反約愚之甚者安在
乎有知

聖人無積

明皇曰積者執言滯教有所積聚也聖人
了言忘言悟教遺教一無執滯故云不積

侍三

二十七

一河曰無私自有的唯善是與任物而已○雲
曰聖道運乎無方而我常無滯故以至無
而供萬物之求積而有之則所得鮮矣安
能大而化之乎此明知者不博

既以爲人已愈有

河曰既以爲人施設德化已愈有德○弼
曰物所尊也○雱曰爲人者施於事業以
治天下也因其勢而利之則吾道不虧而
事業彌廣矣一本爲作與非

既以與人已愈多

明皇曰此明法性無盡言聖人雖不積滯
言教然以法味誘導凡愚盡以與人於聖
人清靜之性曾無減耗唯益明了故云愈
有愈多有明自性多明外益○河曰既以
財賄布施與人而財益多如日月之光無

有盡時也○弼曰物所歸也○雱曰與人者授之以道也授人以道如天生物吾未嘗費而物日以夥既云無積故又明其能足萬物蓋唯無積乃所以能足也
天之道利而不害

河曰天生萬物愛育之令長大無所傷害也○弼曰動常生成之也○雱曰天者羣物之宗常以慈畜萬物豈有害之之意此明信言不美夫天理常夷美於此則害於彼矣

聖人之道爲而不爭

明皇曰舉天道利物不害者將明聖人之
道施爲弘益常以與人故不爭也○河曰
聖人法天所施爲化成事就不與下爭功
名故能全其聖功也○弼曰順天之利不

特三

二十八

相傷也○雱曰一氣自運萬物必遂聖人
體大運以有爲行遲速於常度豈有心於
爭乎夫唯如此故於立言垂法亦因時乘
理適可而已非爲辯也然而終以此句者
誠欲體道德之說莫尚於爲而不爭老子

經意終於第八十篇此篇總序其作經之
意亦由南華盡於莊子之死而更有天下
一篇兼明道術之是非以自積著書之迹

道德二其經集註卷之十

釋音

穰

而羊切

麀

居月切

昧

音妹

貸

吐代切

螫

失亦切

攬

俱縛切

峻

子曼切

又

嘖

一邁切

帶

音帶

難

乃旦切

脆

七歲切

辟

音避

緝

音緝

恢

苦回切

斷

陟角切

賂

音賂

愈

任與切

純

杜本切

後序

老氏之書傳於世也久矣其言微其旨遠而莫能極學者非明白洞達窮道德性命之理未易測其津涯也夫老氏豈欲為甚高之論以取惑於世蓋至道之極窈冥昏默雖聖人

特三

二十九

猶且不能名方道術既散之際苟不示其髣髴明其大略則天下後世有愚而不靈者蕩然無所適茫然無所守不知大道之本原而為倒置之民也於是不得已強而為之言以明夫道大焉彌滿六合而無外小焉入乎纖

介而無間其玄則為衆妙之門其粗則治家
治國治天下無乎不在昔之為註者有三曰
河上公曰明皇曰王弼夫三家之說其間不
能無去取然各有所長要其歸宿莫非究大
道之本近世王雱深於道德性命之學而老
氏之書復訓厥旨明微燭隱自成一家之說
則八十一章愈顯於世然世之學者以老氏
為虛無無用之文少嘗加意陳言鄙論自以
為得殊不知大道之本由老氏而後明老氏
之經由數家而後知非俗學者所易聞也

太守張公深達夫道德性命之理以文章作
人以經術訓多士常患夫執經者不知道乃
命黌舍之學者參其四說無復加損刊集以
行於時而廣其教俾夫承學之士知老氏之
書非徒爲虛誕之辭極深研精皆足以造乎

至理其真以治身其緒餘土苴爲天下國家
則學者豈曰小補之哉迴承教下風幸得以
親炙故祗請以書歲月且不泯其傳時元符
元年十月一日前權英州軍事判官梁迴謹
序

